



**Resolución do 17 de decembro de 2024, da Dirección Xeral de Ordenación e Innovación Educativa pola que se lle dá continuidade á Rede de Centros "Ponte... nas Ondas! de boas prácticas co Patrimonio Cultural Inmaterial (PCI)" durante o curso 2024/25.**

A Convención de 2003 para a Salvagarda do Patrimonio Cultural Inmaterial recoñece a transmisión mediante a educación formal e non formal como unha medida clave de salvagarda e insta aos Estados a promover o recoñecemento, o respecto e a valorización do Patrimonio Cultural Inmaterial mediante programas educativos tanto en contextos de aprendizaxe formal nos centros educativos como en contextos informais coas comunidades de portadores.

O Patrimonio Cultural Inmaterial ou patrimonio vivo é unha herdanza dos antepasados que se transmite aos sucesivos descendentes e nel inclúense, segundo a UNESCO, as tradicións orais, as artes do espectáculo, os usos sociais, os rituais e actos festivos, os coñecementos e as prácticas relativas á natureza e ao universo, e os coñecementos e técnicas vencelladas á artesanía tradicional. Trátase dun patrimonio que infunde un sentimento de identidade e continuidade e que promove a cohesión social, o respecto pola diversidade cultural e a creatividade humana. Ademais, axuda ás comunidades a construír sociedades resilientes, pacíficas e inclusivas.

A nivel autonómico, a Lei 5/2006, do 4 de maio, do patrimonio cultural de Galicia, no seu título V, artigo 69.1, establece que "as administracións públicas adoptarán unha política xeral encamiñada a salientar a función do patrimonio cultural inmaterial na sociedade como elemento de carácter identitario, así como a integrar a súa salvagarda nos seus programas de planificación, especialmente mediante os programas educativos e de sensibilización adecuados para o recoñecemento, o respecto, a difusión e a valorización do patrimonio cultural inmaterial na sociedade, nos que a infancia e a xuventude ocuparán un lugar relevante". No título IX, artigo 122.2 referido á difusión, formación e educación indica que "promoverase no sistema educativo o coñecemento do patrimonio cultural de Galicia así como o aprecio á súa protección e valorización como ferramenta para a convivencia e a cohesión social".





Por outra banda, a LEI 1/2014, do 24 de marzo, para o aproveitamento da lingua portuguesa e vínculos coa lusofonía recolle o deber dos poderes públicos galegos para promover o coñecemento da lingua portuguesa e das culturas lusófonas para afondar nos vencellos históricos que unen Galicia cos países e comunidades de lingua portuguesa e polo carácter estratéxico que para Galicia teñen as relacións económicas e sociais no marco da Eurorrexión Galicia-Norte de Portugal.seu artigo primeiro. Ademais, a Estratexia Galega de Linguas Estranxeiras "Edulingüe 2030" da Consellería de Cultura, Educación, Formación Profesional e Universidade pretende darlle un impulso á formación plurilingüe, fomentando programas que axuden ao desenvolvemento dunha formación que facilite a cooperación internacional e seguindo as competencias clave definidas polo Marco Común Europeo, que especifica a comunicación en linguas estranxeiras como unha delas.

Nesta liña, Ponte...nas ondas! naceu no ano 1995 na Eurorrexión Galicia-Norte de Portugal, como fórmula de favorecer o estreitamento dos lazos entre a comunidade educativa co ámbito da Lusofonía para cubrir a necesidade de tender pontes de comunicación entre galegos e portugueses.

Outro pilar do modelo para Ponte... nas Ondas! o constitúen os medios de comunicación, co obxectivo de abrir as aulas á realidade que as rodea e, ao mesmo tempo, familiarizar ao alumnado na práctica cos medios, formando cidadáns e cidadás conscientes e preparados para afrontar os desafíos da sociedade da información. A radio escolar é un dos piares da posta en práctica dos traballos realizados co Patrimonio Cultural Inmaterial.

Neste senso, dende a Consellería de Cultura, Educación, Formación Profesional e Universidades continúaase o Plan LÍA 2021/2025 de Bibliotecas Escolares co desenvolvemento de novos ámbitos de actuación para este período, contemplando o reforzo dos programas que inciden na alfabetización mediática e informacional do alumnado, como Radio na biblio, con propostas que promovan o coñecemento e un uso responsable da información en múltiples formatos.

Tendo en conta todo o anteriormente exposto, cabe precisar que a lingua portuguesa destaca por ser o idioma do noso país veciño e por ser considerada a lingua máis importante do hemisferio sur. A proximidade xeográfica, pero tamén cultural, fai que *Ponte...nas Ondas!* destaque como unha iniciativa que pretende





poñer en valor e recuperar o Patrimonio Inmaterial galego-portugués a través da realización de programas de radiodifusión desenvolvidos por centros educativos de Galicia e Portugal. O traballo desenvolvido ata o de agora pola Asociación Cultural e Pedagóxica *Ponte... nas Ondas!* serviu para que a iniciativa fora inscrita no Rexistro de Boas Prácticas co Patrimonio Cultural Inmaterial da UNESCO no 2022.

De acordo co anteriormente exposto, esta Dirección Xeral

RESOLVE:

### **Primeiro. Obxecto**

Esta resolución ten por obxecto darlle continuidade á Rede de Centros "Ponte... nas Ondas! de boas prácticas co Patrimonio Cultural Inmaterial (PCI)" durante o curso 2024/25.

### **Segundo. Ámbito de aplicación**

Participarán nesta convocatoria 19 centros docentes públicos da Consellería de Educación, Ciencia, Universidades e Formación Profesional (en diante, Consellería) que imparten ensinanzas de educación infantil, primaria, secundaria obrigatoria e bacharelato promovendo prácticas pedagóxicas e didácticas plurilingües e interculturais a través da radio. A relación dos centros participantes figura no anexo I.

### **Terceiro. Definición do programa Rede de Centros "Ponte... nas Ondas! de boas prácticas co Patrimonio Cultural Inmaterial (PCI)".**

"Ponte... nas Ondas!" é unha iniciativa que ten como finalidade a promoción de actividades culturais e pedagóxicas, así como a promoción da identidade común dos pobos galego e portugués dentro dunha perspectiva xeral de integración europea e do mundo lusófono. Á traxectoria iniciada en 1995 e á finalidade inicial da promoción da identidade común entre os pobos galego e portugués engadiuse no 2002 o compromiso para a recuperación e difusión do Patrimonio Cultural Inmaterial común para Galicia e Portugal.

O desenvolvemento do programa realízase a través da elaboración de programas de radiodifusión entre centros educativos, cunha especial implicación dos centros





situados nas inmediacións da fronteira de Galicia e Portugal, aínda que tamén coa colaboración excepcional de centros de países como Arxentina, Cuba, Chile e Colombia. No 2022 o XVII Comité Intergubernamental da UNESCO aprobou a inscrición de Ponte... nas Ondas! no Rexistro de Boas Prácticas do Patrimonio Cultural Inmaterial da UNESCO.

A través da participación en Ponte... nas Ondas! os centros educativos contarán cunha serie de recursos e serán recoñecidos como centros "Modelo Ponte... nas Ondas! De boas prácticas co Patrimonio Cultural Inmaterial".

#### **Cuarto. Obxectivos xerais do programa "Ponte... nas Ondas!"**

Con este plan preténdense lograr os seguintes obxectivos:

1. A posta en valor do Patrimonio Inmaterial galego-portugués.
2. O establecemento de canles de comunicación entre Galicia e Portugal aproveitando os vínculos lingüísticos.
3. Fomentar dende o ámbito educativo a implantación de iniciativas que contribúan ao coñecemento e consecución dos ODS da Axenda 2030, prestando especial atención ao ODS 4 que busca garantir unha educación inclusiva, equitativa e de calidade, así como ao ODS 17, que fomenta as alianzas para lograr os obxectivos.

#### **Quinto. Proxecto de centro "Ponte... nas Ondas!"**

Cada centro participante realizará un proxecto centrado nos temas a tratar definidos pola Asociación Cultural e Pedagóxica *Ponte... nas Ondas!*, tendo como instrumento principal a radio e a produción de recursos audiovisuais.

O proxecto terá que estar rematado antes de finais de xuño de 2025.

#### **Sexto. Difusión das experiencias**

Os materiais elaborados pasarán a ser propiedade da Consellería de Educación, Ciencia, Universidades e Formación Profesional, conservando a autoría dos seus creadores, co fin de servir como exemplo de boas prácticas, para o que deberán ser publicados cunha Licenza Creative Commons CCBY-NC-SA.



Permítese o uso non comercial da obra e das posibles obras derivadas, a distribución das cales debe facerse cunha licenza igual á que regula a obra orixinal.





Cando os centros fagan difusión dos traballos realizados no contexto da Rede de Centros "Ponte... nas Ondas! de boas prácticas co Patrimonio Cultural Inmaterial (PCI)" nos seus espazos web, deberán indicar a súa participación neste programa da Consellería de Educación, Ciencia, Universidades e Formación Profesional mediante o logo do programa.

### **Sétimo. Formación**

A persoas docentes inscritas no aplicativo de programas educativos antes do 15 de febreiro de 2025 recibirán unha formación específica a través dun obradoiro realizado a tal efecto.

### **Oitavo. Certificación e recoñecemento de participación**

A efectos de xustificación, os centros educativos deberán presentar unha memoria de actividades diante da Dirección Xeral de Ordenación e Innovación Educativa, con data límite do 30 de xuño de 2025, segundo o modelo que se lles facilite con anterioridade. A devandita memoria deberá contar cos seguintes apartados:

1. Relación nominal (DNI e posto de traballo) dos docentes que participaron no programa. Esta relación debe coincidir cos datos que consten no aplicativo de programas educativos.
2. Número de alumnos e de alumnas implicados.
3. Grao de participación e implicación da persoa docente e do alumnado nas actividades. Breve descrición das actividades desenvolvidas por cada persoa docente implicada.
4. Adecuación á consecución dos obxectivos tanto do programa coma das actividades desenvolvidas.
5. Visibilización das actividades realizadas: web do centro, actividades de difusión das actividades, blog, redes sociais, publicacións na revista escolar, etc.
6. Conclusións e valoracións

A Consellería de Educación, Ciencia, Universidades e Formación Profesional certificará, unha vez cumpridos os requisitos establecidos nesta Resolución, a participación do profesorado do centro directamente implicado no programa como





actividade de innovación educativa con 10 horas de formación do profesorado. Esta certificación estará supeditada á avaliación positiva da memoria xustificativa da participación activa do profesorado nas accións desenvolvidas.

As persoas asistentes á formación específica sobre metodoloxía de proxectos multiculturais recibirán un certificado correspondente a 8 horas de formación permanente do profesorado.

### **Noveno. Información básica sobre protección de datos de carácter persoal**

Os datos persoais recadados neste procedemento serán tratados na súa condición de responsable por parte da Xunta de Galicia, Consellería de Educación, Ciencia, Universidades e Formación Profesional, coa finalidade de levar a cabo a tramitación administrativa que derive da xestión deste procedemento e mais a actualización da información e contidos da carpeta cidadá.

O tratamento dos datos baséase no cumprimento dunha misión de interese público ou no exercicio de poderes públicos, conforme a normativa recollida na ficha do procedemento incluída na Guía de procedementos e servizos, no propio formulario anexo e nas referencias recollidas en <https://www.xunta.gal/informacion-xeral-proteccion-datos>. Con todo, determinados tratamentos poderán fundamentarse no consentimento das persoas interesadas e esta circunstancia reflectirase no devandito formulario.

Os datos serán comunicados ás Administracións públicas, organismos e/ou entidades que participan neste plan no exercicio das súas competencias, cando sexa necesario para a tramitación e resolución dos seus procedementos ou para que a cidadanía poida acceder de forma integral á información relativa a unha materia.

A fin de darlle a publicidade esixida ao procedemento, os datos identificativos das persoas interesadas serán publicados conforme ao descrito na presente norma reguladora a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

As persoas interesadas poderán acceder, rectificar e suprimir os seus datos, así como exercer outros dereitos ou retirar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

No caso de existir diferentes referencias normativas en materia de protección de





XUNTA  
DE GALICIA

CONSELLERÍA DE EDUCACIÓN,  
CIENCIA, UNIVERSIDADES E  
FORMACIÓN PROFESIONAL

datos persoais neste procedemento, prevalecerán en todo caso aquelas relativas ao Regulamento (UE) 2016/679, Xeral de Protección de Datos ou a Lei Orgánica 3/2018, de 5 de decembro, de Protección de Datos Persoais e garantía dos dereitos dixitais.

En Santiago de Compostela, na data da sinatura dixital

Judith Fernández Novoa

Directora Xeral de Ordenación e Innovación Educativa

DIRECCIÓN XERAL DE ORDENACIÓN E INNOVACIÓN EDUCATIVA  
Complejo Administrativo San Caetano  
Edificio número 2; Andar 2º  
15781 Santiago de Compostela  
981 546 503  
dxoie@xunta.gal

CVE: 6Gd0mEK43B3  
Verificación: <https://sede.xunta.gal/cve>





## ANEXO I

**Centros que continúan na Rede de Centros "Ponte... nas Ondas! de boas prácticas co Patrimonio Cultural Inmaterial (PCI)" durante o curso 2024/25**

Provincia	Concello	Código de centro	Nome do centro
A Coruña	Ferrol	15006687	IES de Catabois
A Coruña	Muros	15026388	IES Plurilingüe Fontexería
Ourense	Coles	32004118	CPI Plurilingüe Antonio Faílde
Ourense	O Pereiro de Aguiar	32016029	CEIP Plurilingüe Ben-Cho-Shey
Ourense	San Cristovo de Cea	32012103	CPI Virxe da Saleta
Pontevedra	A Estrada	36002359	IES Plurilingüe Antón Losada Diéguez
Pontevedra	Gondomar	36020261	IES Plurilingüe Terra de Turonio
Pontevedra	Mos	36019441	CEIP de Petelos
Pontevedra	Ponte Caldelas	36020313	IES de Ponte Caldelas
Pontevedra	Ponteareas	36024781	IES do Barral
Pontevedra	Pontevedra	36006717	IES Sánchez Cantón
Pontevedra	Pontevedra	36018677	IES Luís Seoane
Pontevedra	Salceda de Caselas	36008489	CEP Altamira
Pontevedra	Salceda de Caselas	36024628	IES Pedras Rubias
Pontevedra	Salvaterra de Miño	36016966	CEP Carlos Casares
Pontevedra	Salvaterra de Miño	36020337	IES de Salvaterra de Miño
Pontevedra	Tui	36014544	IES Indalecio Pérez Tizón
Pontevedra	Vigo	36014799	EEI Vila Laura
Pontevedra	Vigo	36016051	CEIP Plurilingüe Seis do Nadal

